

TRACTATIO IVRIDICA,  
DE  
**ADVOCATIS,**

Von  
**Advocaten und ihren Rechten;**

Q V A M  
ASSISTENTE SUPREMI ADVOCATI AVXILIO,  
PRAESIDE  
**DN. ERNESTO FRIDERICO  
SCHRÖTERO,**

IN ACADEM. IENENSI ICTO AC ANTECESSORE FAMIGERATISSIMO, CONSILIARIO SAXONICO, CVRIAE PROVINCIALIS ET SCABINATVS ASSESSORE GRAVISSIMO, HAEREDITARIO IN WICKERSTAEDT, ETC.

PUBLICAE DISQUISITIONI OFFERT  
**FRIDERICVS SEIFART,**  
HAL. SAXO.



IENAE MDCLL.

RECUSA HALAE TYPIS HENDELIANIS. 1713.

THE ART

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



I. N. J.

## P R Æ F A T I O.



Quaſquam olim nemo al-  
terius nomine, niſi pro popu-  
lo, pro libertate, vel pro tutela  
agere potuerit, uti *ex pr. l.*  
*per quos ager. poſſ. patet.*  
Hodie vero neceſſitate & u-  
ſu ita exigente id ſublatum eſt, ita ut omnes qui  
rebus ſuis ipſi præeſſe vel nolint vel non poſſint,  
impediti aut morbo, ætate, neceſſaria peregrina-  
tione, aliisque multis cauſis *d. princip.* per  
alios agere poſſint. Inter illos autem per quos  
agere poſſimus non ultimum obtinent locum  
Advocati; De quibus nonnulla in medium af-  
ferre animus eſt, idque quantum pro ingenii  
mei tenuitate fieri poterit; Ordine verum pro-  
grediemur, qui omnino obſervandus; Sit  
igitur.

A 2

THE-

## THESIS I.

**A**Dvocatus ab advocando dicitur, quia partibus advocando præest; Et sumitur vel Generaliter vel Specialiter, Generaliter dicitur omnis, qui causis agendis quoquo studio præest, ac in omni negotio partibus adest *l. i. §. 11. ff. de var. & extr. ord. cogn.* Quo nomine & Procurator venit. Specialiter vero quando accipitur a Procuratore distinguitur, & quidem *1. ratione Constitutionis*; Advocatus tantum ad iudicium, Procurator quoque ad alia negotia constituitur; Ille non habet mandatum; Hic vero habet. *2. ratione officii*, Advocatus officium quippe honorabile & laudabile dicitur; Procuratoris vero vile; non quidem quod vilem reddat hoc officium qui exerceat, sed quia viles ab eo non arcentur, ita etiam ut infamis de jure Civili Procurator esse possit. *Gail. lib. 1. obser. 43. n. 5.* Secus de jure Canonico nam ibi infamis Procurator esse nequit *c. 2. & 3. quest. 7.* Quod Jus Canonicum etiam observatur in camera Imperiale, ibi enim nullus in numerum Procuratorum recipitur nisi Doctor vel Licentiatus *Gail. d. observ. 43. nu. 7.* 3. Differunt etiam invicem *respectu penarum*; Nam Procurator ex mala administratione mandati tenetur; *l. 8. ff. mandati & l. 10. C. de Procurat.* Advocatus vero de prævaricatione *l. 1. C. de Advocat.* Quod prævaricationis crimen quale sit & quæ ejus pena haberetur in *tis. ff. de Prævaricat.* Quo etiam referenda Constitutio Criminalis Caroli V. c. 115. *cujus verba hic apponere libet.*

Go

So ein Procurator fürseßlicher gefährlicher weise, seiner Parthen in Bürgerlichen und peinlichen Sachen zu Nachtheil und dem Widertheil zu gute handelte, und solcher Ubelthat überwunden würde, der soll zufoͤderst seinen Theil nach allen Vermögen seinen Schaden, so et solcher Sache halber empfahet, wieder erlegen, und darzu an Pranger oder Halßeisen gestellet, mit Ruthen ausgehauen, des Landes verbotten oder sonst nach Gelegenheit der Mißhandlung in andere wege gestrafft werden.

4. Denique in eo differunt quod Advocatus sive sit ordinarius sive extraordinarius, modo judici, ratione jurisdictionis sit subjectus invitus de jure compelli possit ad suscipiendum patrocinium, idque sub pæna Privationis officii quæ pæna non levis l. 8. ff. de Pan. Nisi iustas & legitimas excusationis habeat causas Gail. d. obs. 23. nu. 9. & 12. Procurator vero non potest l. 17. C. de Procurat. Ratio diversitatis hæc est quia officium Advocacionis ex se & sua natura publicum est, ad quod quis invitatus cogi potest: Wesenb. in Comment. ff. de postul. num. 3. Procurator vero quoniam cum ipso contrahitur, contractus autem initio sunt voluntatis, non potest invitatus cogi, Gail. d. observ. nu. 5. Et

## THESIS II.

Quemadmodum in multis Juris materiis eadem res diversis sæpe nominibus designatur; Ita & in hac materia nostra Advocati variis nominibus appellantur; Primo enim vocantur *Causarum Patroni*, quarum patrocinium susceperunt l. 4. C. de postul. l. 1. in pr. l. 5. l. 14. C. de Advocat. 1. Quemadmodum enim Patroni liberos a miseria servili, Ita Advocati obnoxios potestati judicum a periculo litis liberant. Vall. 4. Eleg.

A 3

2. Secunda

2. Secundo dicuntur Causidici *l. 6. C. de postul.* quia causam dicunt, orant & perorant *l. 9. 11. §. 1. in fin. l. 13. C. de Advocat.* 1. Exinde quoque Oratores & Rhetores dicuntur *l. 33. §. 1. C. de Episc. & cler. l. 3. §. 9. C. de V. I. E.* Denique Togati appellantur *l. 3. 55. 6. 8. 9. 11. §. 2. l. 15. in pr. C. de Advocat.* 1. Imo & Togæ appellatione ipsi Advocati veniunt *l. 7. C. d. t.* quia honestus vestitus illis convenit *arg. l. 15. §. 15. de injuriis.*

### THESIS III.

Definitur Advocatus, quod sit Orator literis eruditus, qui clientibus & desiderantibus patrocinia præstat, causas eorum agendo, sive orando, idque apud judices. Genus in hac definitione est Orator, dicitur enim Orator ut in *Thesi præcedenti* dictum: Et quidem literis eruditus *l. 2. C. de postul.* Imo & Jurisperitus *l. 11. §. 1. C. de Advoc.* 1. de quibus requisitis in *Thes. 6.* Materia ostenditur in his verbis qui clientibus & desiderantibus patrocinia præstat *l. 1. C. de Advoc.* 2. *l. 2. 6. §. 1. l. 7. C. de postul.* Causas eorum agendo sive orando; ibi *Finis l. 4. 6. §. 1. & ult. C. d. t. l. 6. 11. §. 1. C. de Advocat. 1.*

### THESIS IV.

Dividuntur vero Advocati quod alii agant causas *Privatorum*; Alii vero *Publicas*. Illi *Vulgares* appellantur, Hi *Advocati Fisci*.

*Vulgares* iterum sunt vel *statuti* vel *supernumerarii*. *Statuti* vocantur illi, quorum nomina sunt scripta in matricula

cula five albo Advocatorum. *l. 13. C. de Advocat. 1. l. 1. C. de Advoc. 2.* five qui recepti in Collegium seu Confortium Advocatorum *l. 8. 11. §. 1. l. 12. C. de Advocat. 1. l. 3. in pr. l. 5. l. 7. C. de Advoc. 2. §. 1. ult. C. de postul.* Et erat illorum certus numerus, quem superare non licebat, ut & certus ordo, qui permutationibus turbari non debuit, ut *passim ex LL. C. de Advocat. 1. §. 2.* videndum est. Item certo foro inserviebant *l. 4. l. 11. §. ult. l. 13. C. de Advoc. 1.* Sic in foro Præfecti prætorio Collegium Advocatorum constabat Advocatis centum & quinquaginta *d. l. 8. l. 12. pr. §. 9. ult. l. 2. l. 17. in pr. C. de Advoc. 1.* In foro Præfecturæ urbicariæ erant Advocatorum octoginta *l. 7. C. de Advocat. 2.* In foro Alexandriæ in Ægypto Advocati erant quinquaginta *l. 13. C. de Advocat. 1.* In foro Comitibus Orientis quadraginta, *l. 3. in pr. C. de Advoc. 2.* In foro Præsidis provinciæ Syriacæ *secunda* triginta. *l. 5. pr. C. d. ult.* Sic ex *Ord. Cam. p. 1. tit. 18.* viginti quatuor eligebantur Procuratores; Quamvis ex Recessu Imperiali adhuc sex supra hos eligere permissum sit, *Reichs Abschied de Anno 70. §. 20.* Wie auch leichtsam.

## THESIS V.

Advocati fisci sunt qui causam fisci agunt, *l. 1. C. de Advocat. fisci*, five qui fisci nomine agunt *l. 3. C. d. Vocantur & Patroni fisci l. 8. 10. 12. C. de Advocat. 1.* Patroni ærarii *l. 8. C. de Advoc. 2.* Et quemadmodum

dum in præcedenti *Thesi* diximus, quod statuti Advocati singula fora habeant, sic quoque singula fora habent singulos fisci Advocatos, ut patet ex *LL. C. de Advoc. l. 1. & 2.* Officium & Munus in eo consistit ut causam agant fisci, neque occultent commoda fiscalia *l. 3. de Adv. fis.* Ne fisci nomine privatos calumniis vexent *d. 1. 3. & l. 1. C. de lucris Adv. lib. 12.* Ne patrociniæ præstent contra ipsum fiscum *l. 1. C. de Adv. fis.* Nisi in sua, Liberorum, Parentum & Pupillorum causa, penult. *pr. ff. de postul.* De Horum Privilegiis, Salario *infra*, ubi in genere de Privilegiis & Salario Advocatorum tractabimus.

## THESIS VI.

Requitur in Advocato, 1. Juris scientia *l. 11. §. 1. C. de Advoc. 1.* ut patrociniæ desiderantibus & requirentibus præstare possint *l. 2. C. de postul. Wesenb. in c. C. de Adv. divers. judic. num. 7.* Publicum exinde debet habere testimonium doctrinæ suæ, vid. Magnif. Dn. D. Richter ad *authent. habit. C. ne filius pro patr. Disput. 2. Tb. 35.* Ac proinde non admittendi isti Rabulæ, qui ne prima quidem Elementa didicerunt, quos Gail. vocat *Gericht's Blaudezer in Tract. de arrest. c. 9. num. 17.* Et vivis coloribus depingit *Pet. Greg. Tholof. quando dicit*: Istæ cicadæ judici officiunt, nihil enim præter verba habent, veritatem obscurant, tempus judicandis litibus decretum battologia præripiunt, falsa pro veris inculcant, litigantes decipiunt ac conficiunt, fucisque ac inanibus verbis protrahunt judicium, Adde Excell. Dn. PRAESIDEM, Patronum, Præcepto.



ceptorem atque Hospitem meum æternum devenerandum, *in notis ad Subalt. disp. 1. aph. 39.* 2. Requiritur Facundia sive Eloquentia *l. 7. pr. C. de Advoc. 2.* Inde talia ipsis attribuuntur Epitheta, dicuntur enim disertissimi *l. 13. C. de Advocat. 1. l. 5. C. de Advocat. 2. & l. ult. d. 1.* Clarissima Eloquentiæ lumina *l. 6. d. 1.* facundiæ studiis eruditi *l. 7. d. 1.* quod causas orent servato ordine, neque diutius perorent, quam par sit, quod innuit *l. 6. §. 4. C. de postul. ut aliorum quoque desideria possint audiri, id quod judici curæ esse debet, l. 9. §. 4. ff. de offic. Procons. l. 1. §. 4. ff. de postuland.* 3. Scylum curiæ, qui in causis pro lege habendus *l. fin. in fin. C. de injur. Wesenbec. in ff. de LL. num. 9.* non debent mutare. 4. Agant quod causa desiderat, temperent se ab omni injuria. i. e. abstineant ab omnibus opprobriis & convitiis, tum erga alterius patris advocatum, tum quoque erga ipsum judicem, persona quippe judicis omni semper honore & reverentia est afficienda; Memores sint illius, quod Lex *6. §. 1. C. de postul.* ab ipsis requirit; Verba legis sunt elegantia, & ab omnibus Advocatis observanda, ita vero se habent: *Ante omnia autem universi Advocati ita præbeant patrocinia jurgantibus, ut non ultra, quam litium possit utilitas, in licentiam conviciandi & maledicendi temeritatem prorumpant, agant quod causa desiderat temperent se ab injuria; Nam si quis adeo procax fuerit, ut non ratione sed probriis putet esse certandum opinionis suæ imminutionem patietur; Hucusque verba legis;*

legis; Quæritur jam hic; *An Advocatus possit uti in bona causa cavillationibus & fallaciis?* Putat quidem cum *Mynsing. cent. 3. observ. 6. Wesenber. in n. C. de Advocat divers judic. numer. 2. in fin.* omnino hoc Advocatum facere posse. Sed hanc opinionem tanquam Reipubl. perniciosam non esse sequendam recte scribit *Treutl Vol. 1. disputat. 8. th. 3. lit. A.* Quocirca negativam sententiam arripimus quæ probatur *per l. ult. C. de postul. l. 1. 11. C. de Advocat. 1.* Et certe alias quivis Advocatus fallacias & cavillationes suas prærextu bonæ causæ excusare posset, neque finem tantum, sed etiam media bona & legitima esse oportet. *Bachov. in not. ad. Treutl. d. Vol. 1. Disputat. 8. thes. 3. lit. A. in fin.* Bono tamen dolo uti licebit Advocato, juxta *Nobil. Dn. Struvium Patronum atque Præceptorem meum devenerandum. in Exercit. 5. thes. 16. §. 1.* Litem ex industria non protrahant. *d. l. 6. §. 4. C. de postul.* Sed fideliter prudenter ac diligenter causam clientis agant, ultra levem culpam tamen non teneri videntur. *arg. l. 14. §. 1. C. de judic. 6.* Patrocinium desperatæ causæ non suscipiant. *l. 14. §. 1. C. de judic.* alias graviter peccant & damnum resarcire tenentur. vid. *Marth. Cuno de pactis lib. 1. c. 12. num. 15.* Nec excusantur, si non ad finiendum, sed aut ad differendum, aut ad concordandum, sive pacta aliqua ineunda hoc faciunt, quoniam hæc omnia constat esse iniqua: *Cajetan. in summul. de peccat. pag. mibi. 23.* Unde quoque judices non debent pati aliquem Advocare pro insignibus furibus, latronibus publicis, ut tradit *Magnif. Dn. Carpz. in p. 3. Pract. crimin.*

*min. quest. 115. nu. 35.* Quid vero statuendum, si quis in possessorio bonam foveat causam, malam vero in petitorio, an Advocatus ei adesse in illa possit, dum in hac non agitur? Putamus Advocatum ipsi omnino adesse posse, quia iudex illo casu reum in possessione recte tuetur. Ergo nec male ita consulit Advocatus. Neque subest hic causa una, cujus caput alterum justum sit, alterum injustum: Sed causæ duæ diversæ, altera de possessione, altera de proprietate *l. 35. de acquir. poss. l. 3. C. de interd.* Ex quibus illa justa esse potest, legibus positivis, Hæc injusta. Ubi itaque illi adsistit Advocatus, non cooperatur suo clienti positive, docendo modum, quo possit Adversarium injuste vexare, sed saltem permissive: vid. Nobil. Dn. Hahn. *Obser. Theor. Pract. ad Wesenbec. Com. lib. 3. tit. 1. nu. 6. in fin. 7.* Ne paciscatur cum clientulis de quota litis *l. 3. 5. C. de postul. l. 1. §. 12. ff. de extraord. cognit. l. 9. §. 2. de officio Procons. Schneidew. §. fin. 7. de mandato. numero 7.* Advocatus enim de quota litis paciscens a professione removendus *arg. l. 5. C. de postul.* Ideo autem hæc pactio prohibita atque interdicta, ne hac ratione Advocati ad mendacia turpissima perducantur, neque ad avaritiam, quæ tamen ab ipsis longissime abesse debet *l. 6. §. 5. C. de postul. vid. d. Matth. Cuno de Pactis lib. 1. c. ult. nu. 15. & seqq.* Pacta tamen licita erunt admittendâ, ut cum Advocatus clientis suo nomine sumptus ex suo in litem erogat & impendit, eosque una cum usuris licitis, sibi restitui stipulatur vel paciscitur *l. 23. ff. de pactis.*

Item de Salario modico pacisci potest. *l. 1. §. 12. de var. & extraord. cognit. l. 3. §. 5. C. de postul. 8. Tandem non sit Prævaricator, sed bona fide causam clientis agat; nam Advocatus Prævaricator extra ordinem punitur l. 1. §. ult. l. 3. §. 2. ff. de Prævaricat. l. 1. C. de Advocat. 1. Sic qui vilis unius partis juribus ac fundamentis causam agendam suscepit, postea adversæ parti patrocinatur, crimen prævaricationis incurrit, etiamsi prior cliens ipse operam ejus recusaverit, vel etiam salarium præstare renuerit. Magnif. Dn. Carpz. 3. respons. Elect. 4. Quando vero causam nondum suscepit, aliquando, si absit malitia, alteri operam addicere poterit. Schorran disputat. 17. tb. 8. Tutius tamen erit, ut cum Magistratus præfetur id fiat. Nobilif. Dn. Struv. in Exercit. 5. tb. 18.*

### THE SIS VII.

In numero vero Advocatorum esse nequit  
 1. Minor. 17. annis *l. 1. §. 3. ff. de postul. Add. Magnif. Dn. Ungepaur P. P. in hac Salana celebratissimus, Patronus atque Præceptor meus ætatem devenerandus, in Exercit. Insin. 2. q. 16. in Nego. 2. Surdus, qui prorsus non audit d. 1. §. 3. ratio additur in lege, nec enim est permittendum ei postulare; qui decretum Prætoris exaudire non potest. Surdaster vero omnino Advocatus esse potest. Tr. vol. 1. disp. 8. tb. 1. lit. F. 3 Cæcus, qui quidem utrisque luminibus orbatus d. 1. §. 5. ratio hæc adjicitur, quod insignia Magistratus videre & revereri non possit. 4. Muliebria passus, nisi vi sit factum.*

factum *del. 6 §. 6. 1. 5. Capitali crimine damnatus*  
*1. §. 6. 6. Mulier non potest esse Advocatus l. 1. §. 5.*  
*ff. de postul. quia officium virile est l. 12. ff. de judiciis. l. 2.*  
*de R. 7. & mulieres a Viris defendi debent, non contra*  
*l. 2. ff. de injur. Neque hoc admittit verecundia mu-*  
*lierum; unde reprehenditur in d. l. 1. §. 5. impudentia*  
*Garfania; quæ inverecunde postulavit, & Magistratum*  
*inquietavit, ut verba legis habent. 7. Hæreticus*  
*l. ult. C. de postul. l. 15. C. de Episc. Audient. Queritur hic*  
*1. An quis possit esse Advocatus Hæretici? Neg. Talis*  
*enim Advocatus seipsum suspectum reddit hæreseos, si*  
*patrocinium præstat hæretico. Ita quoque. Nemo*  
*potest esse Advocatus Banniti; ubi tamen distinguen-*  
*dum, an de ipsa causa Proscriptionis agatur, an de aliis*  
*causis, si quæ forte controversiæ contra bannitum mo-*  
*veri possint: In illis causis aliquis Advocatus esse ne-*  
*quit, in his vero omnino licitum est bannitum defende-*  
*re, cum præsertim ipse præsens in judicio comparere*  
*non possit. vid. Bachov. in not. ad Treutl. Vol. 1. Disp. 8.*  
*ib. 7. lit. G. 2. Q. An Vasallus possit esse Advocatus contra*  
*Dominum? quod negandum propter reverentiam,*  
*quam Domino debet etiam juratam. 2. feud. 6. 7. 22. & 23,*  
*junet. 2. feud. 24. §. 2. & 33. §. 1. Add. Gail. lib. 2. observ. 88.*  
*tit. 5. d. 1. Et Excell. Dñ. PRAESES, Praeceptor meus ex-*  
*optatissimus in not. ad jus feudale tit. 6. feud. 2. in verbis*  
*ne sit ei damno. 8. Infamis non potest esse Ad-*  
*vocatus l. 1. §. 5. ff. de postulando. Est enim Advocati*  
*officium nobile l. 7. C. de postul. Q. An Nobilis sine de-*  
*dicato possit esse Advocatus? Resp. Quod sic, per l. 6. §. 5.*  
*C. de postul. l. 14. C. de Advoc. 1. Ira tamen ut, si ad tur-*

pe compendium stipemque deformem eo munere abutatur, iterum locus esse possit degradationi *arg. d. l. 6, §. 4. vid. Nobil. Dn. D. Thomæ Patronus atque Præceptor meus æternum colendus, in disputat. de Nobilitate ib. 6. numer. 24. & seq. 9.* Nemo denique in ea causa Advocatus esse debet, in qua iudex est *l. 6. in pr. C. d. t. arg. l. 17. ff. de jurisd.* Sic secundum Ordinari. Cam. Advocatus in ordinem Assessorum cooptatus operam suam partibus amplius præstare non potest. Et prædictæ personæ omnes neque Adversario consentiente admittuntur *l. 7. ff. de postul.* quia hic non favor litigantium privatus agitur, sed jus publicum; unde illi qui tales inhabiles admittunt personas, incidunt in penam arbitrariam *l. 6, §. 6. in fin. ff. d. t.*

### THESIS VIII.

Finis Advocatorum partim publicus est, partim privatus; dicuntur enim *in l. 14. C. de Advocat. 1.* Illi, qui dirimunt ambigua fata causarum, suæque, defensionis viribus in rebus publicis & privatis lapsa erigunt, fatigata reparant, quique non minus provident humano generi, quam si praelis atque vulneribus patriam parentesque salvarent. *Weseneb. in w. C. d. t. num. 4.* Et in *l. 4. C. de Advocat. 2.* dicitur: *vita hominum valde necessarium esse Advocationis officium.* Ne imperitis vel impeditis via juris præcludatur, & ut possint peritissimi propriam causam per alios agere, cum in sua causa facile quis consternatur voce vel mente deficiat & minus quis affectibus temporare possit in sua quam in aliena causa. *Hillig. ad Donell. lib. 18. c. 3. lit. 1.*

THES.

## THES. IX.

**Effectus** Advocatorum est duplex: Internus & externus. Internus & quidem cujus Primus est; quod ea, quæ Advocati allegant præsentibus iis quorum causæ aguntur, perinde habenda sunt, ac si ab ipsis Dominis litium proferrentur *l. 1. C. de Error. Adv.* Ideoque nisi in continenti i. e. *triduo proximo* litigator, quo præsentē Advocatus ejus causam egit, contradicat Advocati dictis, & post sententiam appellet, ob Errorē Advocati, ne quidem ex rescriptis Principis causā retractanda est. *l. ult. d. 1. 2.* Advocato alleganti consuetudinem fides habenda est, maxime si fiat super Consuetudine Curiae vel loci in quo versatur. *arg. l. 9. §. 1. C. de Testib. Excell. Dn. PRAESES, in not. ad W. senb. tit. de LL. numer. 9.*

## THES. X.

**Effectus externus** consistit in actionibus quas Advocati pro Salario deservito habent contra clientes; Et est prima Actio locati *l. 38. ff. de locati l. 7. ff. manda. n.* Secunda Condictio certī, cum scil. Promissio facta est sub stipulatione ad certum quid, puta centum. *l. in pr. de V. O.* Tertia Actio ex stipulatu, si in certum quid promissum *l. 4. 1.* Tandem si nihil penitus promissum inter Advocatum & clientem fuit, Judicis officium est implorandum, qui pro eruditione & facultate, ut & pro Consuetudine fori salarium aestimat *l. n. §. 10. ff. de var. & extr. cogn.* Similiter pro quantitate causæ & negotiorum. *Gail. lib. 1. obs. 44. num. 3. Schneid. §. fin. l. de mandato. nu. 5. & 6.*

THES

## THES. XI.

Et de hisce Honorariis Advocatorum uberius  
 hic agendum esse duco. Vocantur autem non tantum  
 Salaria sed & Palmaria. Honorarium vero dicitur  
 non Merx, quia scientia civilis non pretio æstimanda  
*l. 1. §. 5. ff. de var. & extraord. cogn.* Salarium  
 vero a Sale vitæ hominū necessario, Palmarium  
 denique dicitur ab eo, quod post victoriam ejus nomine  
 præstatur *l. 1. §. 12. ff. d. 1.* Permissum autem est Advocatis  
 accipere honorarium, quo majorem curam impendant  
 officio suo, debet tamen esse modicum, & in maxima  
 quoque causa centum aureos non excedere *d. l. 1. §. 10. & 12. ff. de var. & extraord. cognit. & l. 3. C. de postul.*  
 Imprimis vero Pauperibus gratis patrocinium  
 præstare debent. vid. Gail. *lib. 1. observ. 43. num. 11.* Et  
 Schneidew. *l. de Ablion §. tripli. nu. 9.* hoc non facientes  
 vocat cum Jafone Excoriatores pauperum, canes  
 Curiarum & devoratores Civium. *nu. 10. d. 1.*  
 Hodie vero Pauperes, si Advocato indigeant sumptus  
 ex publico fiunt, si illi præstent juramentum paupertatis.  
 Tunc enim Processus in Camera Imperiali non tantum  
 ex Cancellaria gratis expediuntur, sed & nuncii  
 executionem gratis facere tenentur. Quod si tamen  
 victores existant ejusmodi sumptus refundere solent.  
*Ordinat. Camer. p. 1. tit. 19.* Sed quid de sumptibus  
 in carcerati statuendum? Resp. Si in carceratis ipse  
 Advocato honorarium persolvere nequit, hoc ab accusatore  
 esse persolvendum, quoniam & ad hunc alimentandi  
 Reum qui sibi ipsi sufficere nequit, onus redit  
*aus. 204. Consil. Crimin. Carol. Wesenbec. in comment.*



*sit, de post. nu. 3. & ibi Nob. de Hahn. in obser. Theoret. Pract.* Resolvendæ insuper sunt brevibus quatuor elegantibus quæstiones huc spectantes, quarum Prima. *Quo tempore Advocatis salarium debeat? An nimirum initio litis an vero in fine?* Est videndum an pactum inter Advocatum & clientem intervenerit, cui omnino standum *l. 1. ff. de pactis.* Quod si nullum intervenerit pactum, tunc loci consuetudo, si adest, inspicienda erit, deficiente consuetudine ad leges recurrendum *l. 1. §. 16. ff. de var. & extraord. cogn.* Secunda. *An Advocatus pro se postulans possit petere Salarium?* Et Resp. Quod sic: Non debet enim ex hoc accidenti, quod nim. in propria causa aliquis sit Advocatus Adversarii calumnia sive conditio fieri melior. Et hæc opinio imprimis attendenda, si alias causas neglexerit, adeoque respectu lucri cessantis damnum eum sensisse probetur. Tertia. *An Advocatus ante finem anni moriens salarium totius anni ad heredes transmittat?* Quod affirmatur; Heredes enim, sive sui sive extranei, universa totius anni salaria a defuncto sive ex testamento sive ab intestato accipiunt *l. 15. §. 1. C. de Adv. 1. l. 3. §. ult. l. 5. §. ult. C. de Adv. 2.* Et quavis *4. l. LL. de Advocatis* filci loquantur, unde hoc in illis speciale videri potest, communi tamen DD. sententia honoraria annua quorumcunq; Advocatorum eodem jure censentur. Hillig. *in not. ad Donellum lib. 18. c. 3. lit. KKK.* Magnif. Dn. Carpz. *7 Cuius incomparabilis. p. 1. c. 1. defn. 14. & p. 2. defn. 12. num. 4. & seqq.* Dissentit Bachov. *ad Trenil. Vol. 1. Disp. 8. Lit. C.* Quarta denique quæstio est. *Quæ justitia an distributiva vel commutativa circa Salaria Advocatorum constituenda sit observanda?* Et Resp. commutativa; In Salarj enim constitutione quæ fit

C

Advo-

Advocatis compensatio ac proportio fit et ad rem i. e. Salarii ad operas. vid. Exe. Dn. Præses &c. in nov. ad Wesenb. tit. 1. in verb. & Salaria constituit.

### THES. XII.

*Privilegia porro Advocatorum sunt sequentia, 1. Advocati ab omnibus fere muneribus personalibus sunt immunes l. 6. 7. C. de Adv. 1. Et quod etiam nostris moribus nullum personale Munus subire cogantur Advocati scribit ex Perez. Nobil. Dn. Struvius Professor hujus Salanæ famigeratissimus. Exercit. 5. thes. 12. 2. Si in propriis causis litigent Sportulas non persolvent l. 7. §. fin. C. de Advoc. 2. 3. Filius familias quicquid acquirit Advocatus; jus q. s. castrensis peculii consequitur l. 4. §. C. de Advoc. 4. Ita ut post mortem non veniat in collationem. d. l. 4. §. 8. 4. Acta clientis retinere possunt donec ipsis satisfiat de Salario propter expensas factas. vid. Gail. lib. 2. observ. 12. num. 5. Et ita pronunciaverunt quoque Scabini Halenses in causa Hr. D. Adolph Marcküssens. Contra Hans Hermanns Kötschens Erben, de anno 1633. die 26. Julii. Verba ita se habent: Habt ihr euch vorm Jahre wegen Hans Herrmann Kötschens nunmehr &c. in eine Bestallung eingekassirt und drey Jahr aufgemartet; Als nun gedachter Hans Herrmann Kötsche verstorben haben dessen Kinder Vormünder euch solche Bestallung loß gekündiget, welche Loßkündigung ihr willig angenommen, weil euch aber an Bestallungs-Geldern 90. Thaler rückständig verblieben; habt ihr die Schriftliche Bestallung und die den euch habende Acta vor völliger Abfindung des Restes von euch zu stellen Bedenck getragen; worüber das Kriegswesen eingefallen und bey erfolgten incendio der Stadt Magdeburg alle eure Sachen, und zugleich auch vorherührte Acta in Feuer aufgegangen; So nun wohl die Kötschische Vormünder dahero daß ihr euch des juris retentionis gebraucht, die restirnde Bestallungs-Gelder abzustatten sich nicht schuldig erachten wollen.*

*Dies*

Oiewell aber ehe und zuvor euch die schuldigen 90. Thaler bezahlt, ihr die Acta von euch zu stellen nicht verbunden, sondern befragt euch des juris retentionis zu gebrauchen, und daher nicht ihr, sondern die Vormünder in Mora gewesen, und die Acta ohne eure Verursachen in Feuer verdorben. So haben auch die Rättschischen Vormünder solchen Verlust euch zuzuschreiben keine Ursach; sondern seynd euch die restirende 90. Thaler nebenst den Interesse a tempore mora ohne Verweigerung abzutragen schuldig.

**W. R. W.** Posset autem aliquis quærere. **Q. An Advocati ratione Salariorum in Concursu creditorum, prerogativam aliquam habeant?** Resp. Quod non. 1. Quia Jure civili nullus creditor regulariter alteri præfertur, nisi vel per legis vel sui ipsius provisionem, ipsi expresso præ aliis creditoribus cautum sit: arg. tit. ff. in quibus causis pign. vel hypot. tacite contrab. & tot. tit. ff. qui pot. in pign. At qui Advocatis neque per legem neque conventionem cautum est. E. nec Advocati lege tacente prælationis jure gaudent in concursu creditorum. Quod enim in lege non cavetur, in Practica non habetur, ut post Bald. notat. Hartman. Pistor. lib. 2. qn. 3. num. 36. in fin. 2. Quia nec Jure Saxonico ullum Advocatis indatum legitur Privilegium: Imo etiam expresse eds inter mercenarios non esse referendos, decisum est in Ordinat. Judic. Elect. Saxon. tit. 42. §. nechst diesen ibi: darum ist der Advocaten Besoldung und anders dergleichen anhero nicht zu rechnen. vid. Finckeleh. observ. 48. Berlich. p. 1. consil. 64. num. 76. Magnif. Dn. Carpz. p. 1. constitut. 28. defm. 30. & lib. 4. Respons. Juris Elect. tit. 2. res. n. 5. Post depositionem Advocationis officium consequuntur dignitatem clarissimus. l. 1. C. de Adv. & 6. Denique Filii eorum tummodo idonei ceteris præferuntur l. 13. C. de Advot. 1. & l. 3. §. 5. de Adv. 2. Et gratis reci-

recipiuntur *d. l. 3. §. 5. & l. 5. §. 7. l. 7. d. 1.* Et hæc Privilegia concessa sunt ex liberalitate Principis. *l. 5. & l. 13. in fin. C. de Adv. 1.* Ob Advocatorum studia quibus reverentia debetur *d. l. 5.* Ob bene merita de Republica & de genere humano, cui suis laboribus præfunt *l. 14. C. de Advoc. 1.* Occasione hujus *l. 14.* ubi Advocati militare dicuntur quæro: *An Advocati gaudeant Privilegio militaris testamenti?* Resp. Quod non; Ignorantia quippe juris non est tollerabilis in illis *l. 2. ff. de O. L. l. 1. C. de Juris & facti ignor. Schneidew. in Instit. de Testament. milit. numer. 32.* Pena quoque constituta est contra violatores Advocatorum quinquaginta nim. librarum auri. *l. 6. ff. de Advoc. 1.*

### THES. XIII.

Advocati tandem esse desinunt 1. *per renunciationem clientum*; vel *inforum hæredum.* 2. *Per remotionem ab officio*; quæ fit quando ipsis foro vel Advocatio-  
ne interdicitur *l. 5. 7. C. de postul.* Quando enim officio non recte funguntur, ut decet, tunc pro delicti gravitate ita punitur; Idque fit vel in perpetuum, vel ad tempus *l. 1. l. 8. C. d. 1.* Mors denique Advocatio extinguitur; Mors enim omnia solvit: *§. deinceps in auth. Co de Nupt.* Atque hæc pauca, quæ omnia maxima ex parte ex LL. sunt desumpta, sine enim lege loqui erubescere debemus, *Nov. 18. cap. 5. de Advocatis* dicta sufficiant.

SOLI DEO GLORIA.

